

Arkiv: <arkivID><jplD> FA-K29
JournalpostID:
Sakshandsamar:
Dato: 02.06.2021

Saksframlegg

Saksnr.	Utval	Møtedato
053/21	Utval for næringsutvikling og drift	09.06.2021

Operasjonalisering av grøn konkurransekraft i Nordhordland – søknad om støtte

Rådmannen sitt framlegg til vedtak:

Saka blir lagt fram til politisk drøfting og avgjerd

Utval for næringsutvikling og drift 09.06.2021:

Handsaming:

Utvalsleiar Stian Lavik-KRF sette fram følgjande framlegg til vedtak:

Utval for næringsutvikling og drift vil be formannskapet om å løfta opp saka og gjera følgjande vedtak som innstilling til kommunestyret:

Kommunestyret løyver kr 175 000 som ei ekstraløyving til Nordhordland Næringslag, for at dei skal arbeida målretta med "02.Kraftforsyning", "03.Lokale utdanningsprogram", og "05.Realisere anbefalinger i scenarioanalysen" i kostnadsplanen i dokumentet "OPERASJONALISERING GRØNN KONKURRANSEKRAFT I NORDHORDLAND – SØKNAD OM STØTTE". Næringslaget skal rapportera til Utval for næringsutvikling og drift, og til adminstrasjonen jamnleg.

Kostnaden vert å dekkja frå disposisjonsfondet.

Stian Lavik sitt framlegg vart sett opp mot rådmannen sitt framlegg.
Lavik sitt framlegg fekk 7 røyster og vart samrøystes vedteke.

ND- 053/21 Vedtak:

Utval for næringsutvikling og drift vil be formannskapet om å løfta opp saka og gjera følgjande vedtak som innstilling til kommunestyret:

Kommunestyret løyver kr 175 000 som ei ekstraløyving til Nordhordland Næringslag, for at dei skal arbeida målretta med "02.Kraftforsyning", "03.Lokale utdanningsprogram", og "05.Realisere anbefalinger i scenarioanalysen" i kostnadsplanen i dokumentet "OPERASJONALISERING GRØNN KONKURRANSEKRAFT I NORDHORDLAND – SØKNAD OM STØTTE". Næringslaget skal rapportera til Utval for næringsutvikling og drift, og til adminstrasjonen jamnleg.

Kostnaden vert å dekkja frå disposisjonsfondet.

Politisk handsaming

Saka skal til avgjerd i utval for næringsutvikling og drift 9. juni.

Kva saka gjeld:

Nordhordland næringslag har sendt ein søknad direkte til utval for næringsutvikling og drift for å finansiere vidare oppfølging av prosjektet grøn konkurransekraft og andre sentrale prosjekt og analysar. Det blir søkt om

kr 233.000 frå Alver kommune.

Saksopplysningar:

Bakgrunn:

Nordhordland næringslag (NONL) har vore sentral i arbeidet med Greenspot Mongstad (GSM), grøn konkurransekraft (GKK) og kraftsystemvurdering i Nordhordland. Alle desse prosjekta har identifisert moglegheiter for grøn industrirealisering. Nordhordland næringslag sendt ein søknad om støtte til eit nytt prosjekt for å kunne realisere og operasjonalisere fleire av desse moglegheitene. Ein viktig del av det vidare arbeidet er mellom anna å sikre framtidig kraftleveransar til industrirealiseringa.

Søknaden er sendt direkte til utval for næringsutvikling og drift, bakgrunnen for dette er at prosjektet har ei stor strategisk betydning for regionen og kommunen. Men det er også søkt om støtte frå næringsfondet via ordinær tildeling med frist 1. mai. Det blir søkt om støtte til eit 2-årig prosjekt med eit totalramme på kr 1,4 mill. Det blir søkt om kr 233.000 frå Alver kommune, i tillegg har prosjektet søkt om tilsvarende beløp frå Vestland fylkeskommune.

Prosjektet har følgjande mål:

1. Vedlikehalde og betene førespurnader på etablerte digitale plattformer (www.mongstadindustrialpark.no)
2. Vedlikehalde og tilpasse etablerte samarbeidsplattformer i GSM med representantar frå næring, FoU- og fylke/kommune.
3. Bidra til realisering av moglegheitssanalyse og forretningsplan for GSM herunder leie arbeidet med etablering av eige selskap (GSM AS).
4. Fortsette og utvide samarbeidet med Fagskulen og Høgskulen på Vestlandet på lokale utdanningsprogram.
5. Vere regional driver for å realisere anbefalingane i Vestlandsscenarioene 2020, samt Nordhordlandsscenarioane 2021.
6. Bidra til realisering av potensialet for sirkulærøkonomi i næringslivet i Nordhordland, slik det er identifisert i GKK
7. Intensivere arbeidet for å få Statnett til å forsere, forplikte og forsterke kraftforsyninga til industriområda i Fensfjordbassenget

Vurdering:

Prosjekta Greenspot Mongstad, grøn konkurransekraft og kraftsystemvurdering i Nordhordland har vore viktige for å identifisere nye industrielle moglegheiter i regionen. Og dei viser at regionen har eit stort potensiale og fortrinn i satsinga på grøn industriutvikling. Scenarioanalysen for Nordhordland er tydeleg på at regionen må jobbe saman for å realisere desse moglegheitene, då dette vil vere med på å vidareutvikle region og Alver som ein berekraftig og grøn industriregion. Ein viktig føresetnad for å realisere mange av moglegheitene er å sikre framtidige kraftleveransar til Nordhordland og jobbe målretta med forretningsutvikling.

Prosjektet «operasjonalisering grøn konkurransekraft i Nordhordland» er ei viktig oppfølging av dei moglegheitene som er presentert i ulike utviklingsprosjekt og scenarioanalysar. Prosjektet skal mellom anna følgje opp arbeidet med kraftforsyning, utdanning og realisering av forretningsmoglegheiter. Prosjektet har stor verdi for den vidare utviklinga av kommune og region.

Prosjektet har sendt ein søknad direkte til utval for næringsutvikling og drift med grunngjeving om at prosjektet har stor strategisk betydning. Rådmannen er samd i at dette er eit viktig prosjekt, og at Alver kommune bør støtte prosjektet økonomisk om ein finn rom for finansiering. Det er naturleg at eit slikt prosjekt blir støtta gjennom næringsfondet, men på grunn av storleik på beløp og avgrensa midlar på fondet kan det bli ei utfordring. Viss det er politisk ønske om å nytte disposisjonsfond til å finansiere støtta, må saka vidare til formannskapet og kommunestyret. Avklaring på endeleg finansiering blir lagt fram til politisk drøfting.

Vedlegg i saken:

02.06.2021 Søknad operasjonalisering NU Alver

1565863